

Na osnovu člana 30, 31, 32, 33. i 34. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, br. 38/14 - Prečišćen tekst) i člana 70. Statuta Općine Vogošća („Službene novine Kantona Sarajevo“, br. 27/14 - Prečišćeni tekst i 14/15) Općinsko vijeće Vogošća, na sjednici održanoj dana, 30.12.2015. godine, donijelo je

ODLUKU

O ODOBRAVANJU I ISPLATI JEDNOKRATNE NOVČANE POMOĆI LICIMA U STANJU SOCIJALNE POTREBE ZA 2016. GODINU

Član 1.

Ovom Odlukom utvrđuje se postupak za odobravanja i isplate jednokratne novčane pomoći licima u stanju socijalne potrebe.

Član 2.

Jednokratna novčana pomoć može se dodijeliti licima utvrđenim Zakonom o socijalnoj zaštiti, zaštiti civilnih žrtava rata i zaštiti porodice sa djecom kao i licima koje predloži Služba za boračko-invalidsku i socijalnu zaštitu.

Član 3.

Postupak za odobravanje jednokratne novčane pomoći provodi Služba za boračko-invalidsku i socijalnu zaštitu. Jednokratnu novčanu pomoć odobrava Općinski načelnik na prijedlog Službe za boračko-invalidsku i socijalnu zaštitu.

Član 4.

Isplata jednokratne novčane pomoći vršit će se putem blagajne Općine Vogošća.

Član 5.

Podnosioci zahtjeva dužni su priložiti dokumentaciju kojom dokazuju stanje socijalne potrebe.

Član 6.

Jednokratna novčana pomoć se dodjeljuje u iznosu do 120,00 (stotinudvadeset) KM. Pravo na jednokratnu novčanu pomoć može se dodijeliti korisniku u okviru jednog domaćinstva najviše tri puta u toku jedne kalendarske godine, u ukupnom iznosu koji ne prelazi visinu izuzetne novčane pomoći.

Član 7.

Jednokratna novčana pomoć se može dodijeliti i u naturi, ukoliko postoji sumnja da bi se novčana sredstva mogla nenamjenski utrošiti, što procjenjuje stručni tim (Komisija) Službe za boračko-invalidsku i socijalnu zaštitu.

Član 8.

Osobi koja se nađe u stanju izuzetne socijalne potrebe može se dodijeliti izuzetna novčana pomoć.

Izuzetna socijalna potreba je potreba koja se ne može zadovoljiti jednokratnom novčanom pomoći.

Član 9.

Izuzetna novčana pomoć se dodjeljuje u iznosu do 240,00 (dvijestotinečetrest) KM i može se dodijeliti istom korisniku samo jedanput u toku kalendarske godine.

Član 10.

Ova Odluka stupa na snagu osmog dana od dana objavljivanja u „Službenim novinama Kantona Sarajevo“.

Broj:01-02-2587/15
Vogošća, 30.12.2015. godine

